



# Tradukshon di: Boso karta di 12 di mart 2026

Título original: Uw brief van 12 maart 2026

*Den kaso di diferensianan di interpretashon entre e tradukshon na papiamentu i e vershon hulandes di e teksto, òf den kaso di proseduranan hudisial òf trayektonan di eskalashon enbirtut di regulashonnan aplikabel, e vershon original hulandes semper ta esun preferente.*

Apresiabel señor Cooper,

Riba 12 di mart 2026, Kolegio di supervishon finansiero Kòrsou i Sint Maarten (Cft) a risibí boso karta konteniendo un reakshon di siguimentu tokante di e presupuesto stipulá pa 2026.<sup>1</sup> Den e karta aki boso ta splika ku mas detaye di ki manera Kòrsou lo inkorporá e rekomendashonnan ku Cft a duna respekto di e presupuesto stipulá pa 2026.

Boso ta indiká ku e lumpsum úniko i e kontribushon adishonal di pais na Banko di Seguro Sosial, rekerí pa e oumento di Seguro General di Behes (AOV) lo wòrdu inkorporá den e modifikashon di proyekto presupuestario (OBW) 2026. Cft ta bolbe urgi boso pa entregá e OBW aki huntu ku e informe di implementashon tokante di e promé kuartal di 2026.<sup>2</sup>

Banda di esaki, boso ta anunsiá ku lo determiná un plan di paso pa definitivamente resolvé e problemátika (finansiero) di Curacao Medical Center na 2026. Cft ta suponé ku lo inkluí e plan aki den e OBW 2026.

Ademas, boso ta splika ku den e di dos kuartal di 2026, Centraal Bureau voor de Statistiek di Kòrsou lo entregá e informe tokante di e sektor kolektivo 2024, inkluyendo e determinashon di e norma di gastu di interes. Banda di esaki ta traha riba e mehorashon di e proseso di e determinashon di e sektor kolektivo i e reportahe tokante di e sektor aki. Cft ta asumí ku lo realisá e mehorashonnan aki na 2026, pa asina por evaluá e norma di gastu di interes den e presupuesto pa 2027 puntualmente i korektamente, pasobra esaki ta un rekisito stipulá den Lei di Reino Supervishon Finansiero Kòrsou i Sint Maarten (*Rijkswet financieel toezicht Curaçao en Sint Maarten – Rft*), i e evaluashon di fiansanan di sèn futuro ta dependé di esaki.

Finalmente, pa motibunan di ekshoustividat, Cft ta remarká ku e prosedura di konsultashon mutuo stipulá den artíkulo 12 i 13 di Rft pa motibu di e presupuesto stipulá pa 2026 di Kòrsou, a konkluí.

Mi ta spera di a informá boso sufisientemente.

Atentamente,

Presidente di e Kolegio di supervishon finansiero di Kòrsou i Sint Maarten

[firma]

Hans Hoogervorst

A manda kopia di e karta aki na:  
Presidente di Parlamento di Kòrsou  
Minister Presidènt di Kòrsou  
Sekretario General di Ministerio di Finansa di Kòrsou

## **Anekso 1: Notanan final**

---

<sup>1</sup> Ministerio di Finansa di Kòrsou, number di kaso 2026/007199-1, Reakshon riba e konseho di Cft tokante di e presupuesto stipulá 2026, di fecha 12 di mart 2026.

<sup>2</sup> Ku e término aki, Cft ta konektá ku e Ordenansa Nashonal Kontabilidat 2010, artíkulo 46 en konhunshon ku artíkulo 42. Den e Ordenansa aki a stipulá ku e presentashon di modifikashonnan presupuestario ta tuma lugá riba tres momentu fího den aña, koinsidiendo ku e entrega di e informenan di implementashon.